



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË

Numri i lëndës: 2018:066487

Datë: 28.05.2019

Numri i dokumentit: 00333686

## PKR.nr. 60/2018

### NË EMËR TË POPULLIT

**GJYKATA THEMELORE NE GJAKOVE** –Departamenti për Krime te Rënda, në Trup Gjykuese të përbërë prej Gjyqtarit Shaqir Zika, Kryetari i Trupit Gjykuese, dhe Gjyqtarëve Myfera Hoxha dhe Nikollë Komani anëtarë të trupit Gjykuese, me pjesëmarrjen procesmbajtëses Bute Ramosaj, në çështje penale kundër të akuzuarve G.M.R., E.G.R.1., dhe E.G.R.2., te gjithë nga Gjakova, për shkak veprës penale lëndim i lehte trupore nga neni 188 prg 2 lidhur me prg 1 nen prg 1.4 si bashke kryes lidhur me nenin 31 te KPRK-se, dhe te akuzuarit E.G.R.3. nga Gjakova, për shkak te veprës penale lëndim i rëndë trupore nga neni 186 prg 3 lidhur me prg 1 te KPRK-se, dhe veprës penale mbajtje ne pronësi, kontroll ose posedim te pa autorizuar te armëve nga neni 374 prg 1 te KPRK-se, te akuzuar me aktakuzën e Prokurorisë Themelore –Departamenti për Krime te Renda ne Gjakove, PP/I.nr.161/2013, te datë 07.11.2018, pas mbajtjes se seancën së shqyrtimit kryesor publik të mbajtur më datën 02.04.2019, 25.04.2019, dhe 16.05.2019, me pjesëmarrjen e Prokurorit te Shtetit te PTH në Gjakovë Ali Uka, të akuzuari G.R. dhe mbrojtësin e tij av.A.R.nga Gjakova, i caktuar sipas detyrës zyrtare, te akuzuarit E.R.1. dhe E.R.2., dhe E.R.3. dhe mbrojtësit av.M.V., nga Gjakova, i caktuar sipas detyrës zyrtare, dhe te dëmtuarit D.R., muar dhe publikisht shpalli me dt. 21.05.2019, ndërsa me dt. 24.05.2019 përpiloi këtë :

### AKTGJYKIM

**1.I akuzuarit: G.R.** nga i ati M. dhe ëma M. e gjinisë R. data e lindjes., ne Gjakovë, me numër personal..., i martuar i ati 3 fëmijëve, ka te kryer shkollën mesme, i pa pune, i gjendjes se dobët ekonomike, Shqiptar Sh. i R. Kosovës, ka qene ne paraburgim nga dt.02.09.2013, gjere me dt.15.02.2014. dhe nga dt. 16.02.2014 gjer e me dt. 15.04.2014, ne arrest shtëpiak.

**2.I akuzuarit: E.R.1.** nga i ati G. dhe ëma M. e gjinisë I. Data e lindjes..., ne Gjakovë, ku dhe jeton, numër personal..., i pa martuar ka te kryer shkollën e mesme i pa pune, i gjendjes se dobët ekonomike, Shqiptar Sh. I R. Kosovës, ka qene ne paraburgim nga dt. 02.09.2013, gjere me dt. 12.11.2013

**3.I akuzuarit: E.R.2.** nga i ati G. dhe ëma M. e gjinisë I., data e lindjes,,ne Gjakovë, ku dhe jeton, numër personal ..., i pa martuar ka te kryer shkollën e mesme i pa

pune, i gjendjes se dobët ekonomike, Shqiptar Sh. I R. Kosovës, ka qene ne paraburgim nga dt. 02.09.2013, gjere me dt. 15.02.2014, dhe nga dt. 16.02.2014, gjere me dt. 15.04.2014 ne masën e Arrestit shtëpiak.

**4.I akuzuarit: E.R.3.** nga i ati G. dhe ëma M. e gjinisë I., data e lindjes..., Gjakovë, numër personal..., i martuar i ati i dy fëmijëve, ka te kryer shkollën e mesme, i pa pune, i gjendjes se dobët ekonomike, Shqiptar Sh. I R. Kosovës.

## JANË FAJTOR

Të pandehurit G., E.1, dhe E.R.2., me dt. 01.09.2013, tjetrit i shkaktojnë lëndime t e lehta trupore me dënim te përkohshëm te shëndetit personit tjetër ne atë mënyrë që ditën kritike rreth orës 22:40 min, ne rrugën “ U.” tek vendi ku lidhet me rrugën “ E. Gj. “ gjersa te dëmtuarit N.Z., G.B., dhe D.R., ishin duke kaluar me automjetin e udhëtareve te llojit “ G.” te cilin e drejtonte i dëmtuari N. aty i dalin përpara te pandehurit E.1. dhe E.R.2. aty fillon një fjalosje e me pas rrahje aty ndërhyjnë disa persona te cilit ishin ne një dyqan ne afërsi te vendit te ngjarjes dhe me pas te pandehurit me shpejtësi largohen nga vendi i ngjarjes për tu kthyer pas 5 minutave dhe i pandehuri G. me një shkop bejsbolli gjersa te pandehurit E.1 dhe E.2. me grushte dhe shqelma i godasin te dëmtuarit N. dhe G. duke i shkakuar lëndime te lehta trupore dhe atë te dëmtuarit N. ndrydhje te njejve te buta te regjionit te qafës dhe regjionit te shpatullës se djathte te shoqëruar me gërvishtje si dhe te dëmtuarit G. B., ndrydhje te indeve te buta ijore dhe gërvishtje ne mbi vetullën e majtë, dhe ne para krahun e majtë, dëmtime te lehta trupore, me afër te përshkuar ne mendimin e ekspertit mjeko- ligjore dr. F.B. te dt. 07.07.2014.

**- me çka ka kryer veprën penale lëndim i lehte trupore nga neni 188 prg 2 lidhur me prg 1 nen prg 1.4 si bashke kryes lidhur me nenin 31 te KPRK-së.**

**Ne kuptim te nenit 363 prg 1 pika 1.1 te KPPK-se,**

## REFUZOHET AKUZA

Kundër te pandehurit G.R. se me dt. 01.09.2013, tjetrit i shkakton lëndim te rëndë trupore me mjete te rrezikshëm duke i shkakuar dëmtime te rëndë te shëndetit në a të mënyrë që ditën kritike rreth orës 22:40 min, ne rrugën “ W.” tek vendi ku lidhet me rrugën “ E.Gj. “ ne Gjakove, gjersa te dëmtuarit N. Z., G. B., dhe D. R., ishin duke kaluar me automjetin e udhëtareve te llojit “ G.” atyre ju dalin përpara te pandehurit E.1 dhe E.R.2. aty fillon një fjalosje dhe me pas rrahje aty ndërhyjnë disa persona te cilët ishin në dyqan ne afërsi te vendit te ngjarjes e pas 5 minuta i pandehuri G. me një shkop bejzbolli ashtu qe i pandehuri G. e godet te dëmtuarin D. me ate shkop te bejzbollit ne drejtim te këmbeve te dëmtuarit D. duke i shkakuar lëndim ne zogun e këmbës se djathtë dhe atë lëndim të rëndë trupor ashtu qe i dëmtuari menjëherë dërgohet për ne Spitalin Rajonale “ Isa Grezda “ ne Gjakove, për ofrimin e ndihmës mjekësore.

**-këso dore kishte për te kryer vepër penale lëndim i rëndë trupore nga neni 189 prg 5 lidhur me prg 1 si bashke kryes lidhur me nenin 31 te KPRK-se.**

## **i pandehuri E. R.**

**II.** Me dt. 01.09.2013, tjetrit i shkaktonte lëndime të rënda trupore me armë zjarri duke i shkaktuar dëmtim të rënde të shëndetit në atë mënyrë që ditën kritike rreth orës 22:40 min, në rrugën “U.” tek vendi ku lidhet me rrugën “E.Gj.” ndërsa të dëmtuarit N. Z., G. B. dhe D.R. ishin duke kaluar me automjetin e udhëtareve të llojit “G.” aty ju dalin përpara të pandehurit E.1 dhe E.R.2. aty fillon një fjalosje e me pas rrahje aty ndërhyjnë disa persona të cilët ishin në dyqan në afërsi të vendit të ngjarjes dhe pas 5 minutave i pandehuri E.3. me një pushkë automatike AK-47, kalibrit 7.62 mm x 39 mm, shtënë disa here në drejtim të këmbëve të dëmtuarit D.R. dhe se me njërin prej të shtënave e qëllon në zogun e këmbës së djathtë duke i shkaktuar lëndim të rëndë trupore, lëndime të përshkruar me afër në mendimin e ekspertit mjeko-ligjor dr. F.B., të dt. 07.07.2014, e të plotësuar në plotësim në akt ekspertimin mjeko-ligjor të dt. 02.04.2019.

**-me çka ka kryer veprë penale lëndim i rënde trupore nga neni 186 prg 3 lidhur me prg 1 të KPRK-se.**

**III. i pandehuri E.R.3.** me parë ka siguruar e gjere me dt. 01.09.2013, pa autorizim ka mbajtur armë dhe municion dhe atë një pushkë automatike AK-47, me numër serik ....., kalibrit 7.32 x 39 mm, si dhe një karikator me një fishekë të njëjtë kalibër të cilën armë i pandehuri e ka përdorur ditën kritike mënyrën e përshkruar si në dispozitivin II të këtij aktgjykimi, duke i shkaktuar lëndime të rënda trupore të dëmtuarit D.R. nga Gjakova, e të cilën armë të njëjtën ditë e konfiskon policia në shtëpinë e tij në Gjakovë.

**- Me çka ka kryer veprë penale mbajtje në pronësi, kontroll ose në posedim të pa autorizuar të armëve nga neni 374 prg 1 të KPRK-se.**

Andaj Gjykata me aplikimin e neneve 6, 17, 41, 43, 45, 62, prg 1, pika 2.7, 73, 80, 83 nenit 188 prg 2 lidhur me prg 1 nën prg 1.4 lidhur me nenin 31, nënti 186 prg 3 /1 të KPRK-së, dhe nenit 374 prg 1 të KPRK-se, dhe neneve 359 par. 2, 366, 450 të KPPK-se, të akuzuarit.

## **I G J Y K O N**

Te pandehurin **G.R.** për veprë penale lëndimi i lehte trupore nga neni 188 prg 2 lidhur me prg 1 nën prg 1.4 lidhur me nenin 31 të KPRK-se, dënim me burgim në kohëzgjatje prej 7 ( shtate ) muaj e 13 ( trembëdhjete ) dite, në të cilin dënim do të llogaritet koha e kaluar në paraburgim nga dt. 02.09.2013, gjere me dt. 15.02.2014, dhe nga dt.16.02.2014 gjere me dt.15.04.2014, Masën e Arrestit shtëpiak.

Te pandehurin **E.R.1.** për vepër penale lëndimi i lehte trupore nga neni 188 prg 2 lidhur me prg 1 nen prg 1.4 lidhur me nenin 31 te KPRK-se, dënim me burgim ne kohëzgjatje prej 3 ( tre) muaj, ne te cilin dënim do te llogaritet koha e kaluar ne paraburgim nga dt. 02.09.2013, gjere me dt. 12.11.2013,

Te pandehurin **E.R.2.** për vepër penale lëndimi i lehte trupore nga neni 188 prg 2 lidhur me prg 1 nen prg 1.4 lidhur me nenin 31 te KPRK-se, dënim me burgim ne kohëzgjatje prej 7 (shtate) muaj e 13 (trembëdhjete ) dite, ne te cilin dënim do te llogaritet koha e kaluar ne paraburgim nga dt. 02.09.2013, gjere me dt. 15.02.2014, dhe nga dt. 16.02.2014 gjere me dt. 15.04.2014, Masën e Arrestit shtëpiak.

Te pandehurin **E.R.3.** për vepër penale lëndimi i rende trupore nga neni 186 prg 3 lidhur me prg 1 te KPRK-se, dënim me burgim ne kohëzgjatje prej 2 ( dy ) vite.

Për vepër penale mbajtje ne pronësi, kontroll, ose posedim te pa autorizuar te armëve nga neni 374 prg 1 te KPRK-se, dënim me burgim ne kohëzgjatje prej 8 ( tete ) muajve.

Në baze te nënti 80 te KPRK-se, te pandehurit **E.R.3.i** shqiptohet

### **DENIMI UNIK ME BURGIM**

Ne kohëzgjatje prej 2 ( dy ) vite e 6 ( gjashte ) muaj, i cili dënim do te ekzekutohet pas plotfuqishmërisë se këtij aktgjykimit.

I dëmtuarit D. R., G. B. dhe N.Z. udhëzohen ne kontest të rregullt civil për realizimin e kërkesës pasurore juridike.

I shqiptohet dënimi plotësues i konfiskohet pushka automatike AK- 47 me numër serik ..., kalibrit 7.62 dhe 1 karikator dhe 1 fishekë te te njëjtit kalibër.

I akuzuari obligohet qe te paguaj shpenzimet e procedurës penale dhe a te ne emër te ekspertizave te ekspertit mjeko- ligjore shume prej 150 € ne mënyre solidare, ne emër te paushallit gjyqësore shumen me nga 100€, si dhe ne emër te Fondit për kompensimin e Krimet te Viktimave shumen me nga 50 ( pese dhjet e) €, te gjitha këto ne afate prej 15 ditëve nga dita e plotfuqishmërisë se këtij aktgjykimit.

### **A r s y e t i m**

Prokuroria Themelore ne Gjakove, - Departamenti për Krime të Rënda, ka ngritur aktakuzën PP.nr.161/2013, datë 07.11.2018, kundër të akuzuarve G.R., E.R.1.dhe E.R.2., për shkak te veprës penale lëndimi i lehte trupore nga neni 188 prg 2 lidhur me prg 1 nen prg 1.4 si bashke kryes lidhur me nenin 31 te KPRK-se, dhe te akuzuarve G. R. dhe E.R.3. për shkak veprës penale lëndimi i rende trupore nga neni 189 prg 5 lidhur me prg 1 si bashke kryes lidhur me nenin 31 te KPRK-se, dhe te akuzuarit E.R.3.për vepër penale

mbajtje ne pronësi, kontroll ose posedim te pa autorizuar te armëve nga neni 374 prg 1 te KPRK-se.

Ne shqyrtimin fillestar te akuzuarit janë deklaruar te pa fajshëm për vepra penale për te cilën akuzoheshin, dhe pas plotfuqishmërisë se aktvendimit – kërkesës për hudhjen e aktakuzës dhe pushimin e procedurës penale është caktuar shqyrtimi gjyqësor.

Ne shqyrtimin gjyqësor te mbajtur me dt. 11.03.2019, te akuzuarit janë deklaruar te pa fajshëm, andaj Gjykata ka zbatuar procedurën e provave.

Pas përfundimit te procedurës se provave dhe mbrojtjes se te akuzuarve, Përfaqësuesi i akuzës Prokurori i shtetit **Ali Uka** ne fjalën e tij përfundimtare ka deklaruar: Se heq dore nga ndjekja penale për te akuzuarin G.R., dhe atë sa i përket veprës penale nga dispozitivi i II i aktakuzës dhe atë për vepër penale lëndimi i rende trupore nga neni 189 prg 5 lidhur me prg 1 te KPRK-se, meqenëse nga provat e administruara gjate shqyrtimit gjyqësore nuk është arritur qe te provohet fajësia e tij për ketë vepër penale, ashtu qe si rrjedhoje i saj ka bere ndryshimin dhe plotësimin e dispozitivit te akuzës. Ndërsa sa i përket te akuzuarve G., E.1 dhe E.R.2. dhe atë dispozitivit te I te akuzës dhe kualifikimit juridik te dhënë ne te, mbetet i njëjtë e po ashtu edhe për te akuzuarin E.R.3. sa i përket dispozitivit te III te akuzës dhe kualifikimit juridik.

Gjate këtij shqyrtimi gjyqësore verbalë- publik dhe atë nga raporti i oficerit policor A.D. me numër 2013- OP-1192, i dt. 02.09.2013, lista e armëve te konfiskuara si dhe dëshmitë e përpiluar nga ana e njësitit te forenzikës me numër te njëjtë i dt. 01.09.2013, nga raporti i ekspertizës te ekspertit mjeko-ligjore dr. F.B., te dt. 07.07.2014, për te dëmtuarit D.R., N. Z. dhe G.B., nga raporti i Spitalit regjionale “ Isa Grezda “ne Gjakove, i dt. 01.09.2013, nga flete lëshimi me epikriz për te dëmtuarin D.R., reparti ortopedik i Spitalit Regjionale “ Isa Grezda “ ne Gjakove, nga raporti i këqyrjes se vendit te ngjarjes i përpiluar nga Njësiti i hetimeve ne Gjakovë, i dt. 01.09.2013, nga foto e vendit te ngjarjes dhe nga plotësimi i ekspertizës mjeko- ligjore për te dëmtuarin D.R., i përpiluar nga eksperti mjeko - ligjore dr. F.B., i dt. 02.04.2019, si dhe nga deklarimet - marrjes ne pyetje te dëshmitareve - te dëmtuarve D.R., G. B. dhe N.Z., pa mëdyshje është arritur qe te provohet se ne veprimet e te akuzuarit E.R.3. qëndrojnë te gjitha elementet qenësore te veprës penale lëndimi i rende trupore nga neni 189 prg 5 lidhur me prg 1 te KPRK-se, si dhe elementet e veprës penale mbajtje ne pronësi, kontroll ose posedim te pa autorizuar te armeve nga neni 374 prg 1 te KPRK-se, ndërsa ne veprimet e te akuzuarve G. R., E.R.1., dhe E.R.2. formohen te gjitha elementet qenësore te veprës penale lëndimi i lehte trupore nga neni 188 prg 2 lidhur me prg 1 nen prg 1.4 si bashke kryes lidhur me nenin 31 te KPRK-se.

Andaj deklaroi se mbetem ne tërësi pranë aktakuzës dhe kualifikimit juridik si dhe ndryshimit dhe plotësimeve te dhëna ne ketë fjalë përfundimtare ashtu qe i ka propozuar trupit Gjykuese qe te akuzuarit ti shpalli fajtor për vepër penale qe akuzohen sipas aktakuzës te gjykohen sipas Ligjit, te obligohen ne pagesën e shpenzimeve procedurale dhe ndaj te akuzuarit E.R.3.ti shqiptohet edhe dënimi plotësues ti konfiskohet arma si ne dispozitiv te akuzës.

I dëmtuari **D.R.** ka deklaruar se ndaj te akuzuarve i bashkëngjitet ndjekjes dhe ka parashtruar kërkesën pasurore juridike dhe këtë do te realizoi ne kontest te rregullt civil,

ndërsa te dëmtuarit G.B. dhe N.Z. kane deklaruar se ndaj e akuzuarve nuk i bashkëngjiten ndjekjes penale dhe nuk kane parashtruar kërkesë pasurore juridike pasi që rastin ja u kane falë.

I akuzuari **G.R.** ne mbrojtje te vete te dhëne ne te gjitha fazat e procedurës ka deklaruar se natën kritike me dt. 01.09.2013, ka qene ne shtallë dhe pasi është kthyer nga atje ne shtëpi diku pas orës 23:00/h, ka ardhur me traktor e kam lenë traktorin brenda dhe duke e mbyllur derën e shtëpisë kane ardhur dy djemtë te lagjes dhe me kanë thënë se djem e mija janë duke bere fjale me do djemtë ne rrugë. Ka shkuar ne drejtim te vendit te ngjarjes dhe rrugës ka qene i prishur një mure dhe nga aty kame marrë një leftë te drurit kur kam shkuar ne vendin e ngjarjes e kam pare djalin tim qe ishte përgjakur dhe qëllimi im ishte qe ti marrë djemtë dhe ti qetësoi. Pasi qe këtu i dëmtuari N. me është afruar te njëjtën e kam goditur me ketë e leftë ndërsa kur e kam vërejtur G. ka ikur ne drejtim te furrës, ndërsa te dëmtuarin D. R. nuk e kam goditur pasi qe i njëjti ka qene ne anën e kundër te rrugës. Djemtë e mije E.1 dhe E.2. i nuk kane pasur kurrëgjë ne dorë ndërsa djali E.3. fare nuk ka qene ne vendin e ngjarjes pasi qe i njëjti në atë kohe ka qene ne punë ne V. dhe se natën kritike ka n dëgjuar disa te shtëna më armë zjarri nuk ka vërejtur se kush ka shtëne me armë. Gjatë bastisjes se shtëpisë para kontrollimit djali im E.1. e ka dorëzuar kallashin për te cilin unë nuk kam pasur dijeni qe kemi pasur ne shtëpi. Natën kritike kur na është bastisur shtëpia djali im E.3. ka qene te miqtë e vetë dhe unë përket kam marrë vesh me vonë, pasi qe i njëjti ka qene ne V. e atë natë para natës kritike ne mëngjes ka ardhur në shtëpi, por unë përket nuk kam ditur dhe përket kam marrë vesh pas dy jave kur kam pasur vizitë ne burg jam njoftuar se djali se bashku me bashkëshorten ka shkuar jashtë Kosove. Ka mohuar qe i ka mëshuar D. apo dikujt tjetër përpos N.

I akuzuari **E.R.1.** ne mbrojtje te vetë ka deklaruar se natën kritike ai se bashku me vëllain E.2. in kam dalur ne qytet me pije kafe diku rreth orës 21:30 min, dhe rrugës duke ecur e cila është rrugë e ngushte aty pari ka kaluar një automjet nga drejtimi i kundërt dhe përmes dritares së atij automjetit këtu i dëmtuari G. e ka qitur kokën jashtë dhe na ka shajtur “ ja q... nënën “ ai ka qene ne ulësen e prapme unë me vëllai kemi vazhduar rrugën kemi hyre ne një dyqan për te blere disa zhiletë e pas kësaj kemi shkuar ne një kafiq kemi pire kafe atë dite kemi qëndruar 10 – 15 min, dhe jemi nisur ne drejtim te shtëpisë, dhe gjate rrugës prape jemi takuar me G. dhe me aty dy djemtë te tjerë te cilët ishin duke qëndruar afër automjetit te ndalur ne rrugë. Duke kaluar aty afër na është drejtuar G. prape me shamje te njëjtë, pse me nxunë rrugën, dhe me një moment G. me ka ra shuplake ne faqe dhe menjëherë kemi filluar me përleshje jemi rrahur me grusht, dhe nga mbrapa N. me ka ra. Në ndër kohe e kam vërejtur babën tim G. duke ardhur ne vendin e ngjarjes i cili ishte ne rroba te punës dhe i njëjti ka filluar te na bërtas qe te shkojmë ne shtëpi. Unë menjëherë jam larguar prej aty kam shkuar për në shtëpi ndërsa E.2. ka vazhduar te qëndroi aty se bashku me babën, e ne ndërkohe të njëjti kane ardhur ne shtëpi ku me vone kane ardhur polici se ne pyetjen e tyre se a keni diçka ilegale unë kam dorëzuar kallashin. Këtë kallash unë se bashku me vëllai E.2. e kam blerë ne tregun e Gjakovës ne lamën e druve nga një person nga Shqipëria. Vëllai im E.3. nuk ka qene në shtëpi, i cili ka qene përkohësisht i punësuar ne një furrë ne Serbi. Ne pyetje te Gjykatës se ne Prokurori keni deklaruar se ju kur keni shkuar ne shtëpi kemi marrë kallashin keni ardhur ne vendin e ngjarjes dhe keni shtëne ne ajër me kallash, i njëjti ka deklaruar se po ashtu ka deklaruar, por këtë e ka bere nga se ka qene i frikësuar ne mënyre qe ti ndihmoi babës dhe vëlla, dhe ka qene veç sa i ka mbushur 18 vjeç dhe kam dashur me marrë përgjegjësinë unë. Është e vërtete qe i kam mëshuar D. me boks, por goditjet kane qene te ndërsjellat.

I akuzuari **E.R.2.** ne mbrojtje te vete ka deklaruar: se me dt. 01.09.2013, ai se bashku me vëllai e tij E.1. ka dalur ne qytet aty rreth orës 22:30 min, dhe rrugës nga drejtimi i kundër ka ardhur një automjet i cili ka kaluar pranë nesh dhe njeri prej personave qe ka qene ne automjet e ka qel dritaren e automjetit i cili ka qene ne pjesën e prapme e ka qitur kokën jashtë dhe na ka shajte me nënë duke na thënë qe te lëshojmë rrugën nga se rruga ka qene një kahesh dhe e ngushte, te njëjtit kane vazhduar dhe unë se bashku me vëllai. Pasi qe kemi blere disa gjera ne supermarket dhe kemi pire kafe pas 15 minuta jemi kthyer për ne shtëpi dhe prape kemi vërejtur se ai automjet i cili me herët ka kaluar pranë nesh ishte i ndalur skaj rrugës ku ishin 3 persona kishin qene duke pire birra, dhe sigurisht kane qene duke na pritur. Ne tu afruar tek ata djem dhe njeri prej tyre tha se a kenë këta djem, qe na n xanën rrugën e na shajten nënën, në këtë moment D. tha po këta vet janë, dhe pas këtyre fjalëve D.R., se bashku me G. kane mësyre ne drejtim te vëllai për te goditur me grushte dhe me shqelma. Unë jam afruar te N. duke i thënë se te njoh dhe nuk kam dëshirë qe te përlehemi dhe i njëjti menjëherë me ka goditur me boks ne fytyrë dhe ne ndërkohe me është ofruar D. me ka rrokur për xhokës dhe me ka mbështetur për muri, e me pas jemi perla te gjithë ne mes veti me shkelma dhe grusht. Në ndërkohe ka ardhur baba ime G. i cili ka pasur ne dorë një leftë druri, dhe unë gjatë përleshjes jam rrezua për toke me goditje, goditjet qe i kam marrë nga N.Z. dhe pas kësaj unë kam shkuar ne shtëpi e kam marrë kallashin dhe kam ardhur ne vendin e ngjarjes dhe N. i kam thënë qe te rruhet, e D.R. me ka mësyre për te me marrë armen e kam shtyje e kam raportuar armën dhe kam shtënë për toke dhe kam pare qe D. është rrezua për tokë. Sa i përket vëllait te tij E.3. i njëjti fare nuk ka qene ne vendin e ngjarjes nga se ai ka punuar ne V., mirëpo ai atë dite kishte ardhur ne vizitë .I njëjti nuk ka lidhje me këtë rast dhe se plagosja e D. e kam bërë unë, edhe pse në Prokurori vëllai im E.1. ka deklaruar qe ai ka gjuajtur me armë. Arma ka qene personalisht e imja, e kam blere ne tregun e Gjakovës nga një person nga Shqipëria dhe kurrkush nga anëtarët nuk ka ditur për te, dhe se armën natën kritike e ka dorëzuar vëllai im i vogël E., pa na bastisur policia. Unë për vëllai E.3. kam kuptuar qe ka dalur jashtë Kosove pasi qe kam dalur nga burgu.

I akuzuari **E.R.3.** ne mbrojtje te vete deklaroi: se jeton ne bashkësi familjare 2 prindër, bashkëshorten dhe dy vëllezër, dhe se e njeh vetëm te dëmtuarin D.R., pasi qe është afër shtëpisë së tij. Ka deklaruar se ditën kritike me dt. 01.09.2013, se bashku me bashkëshorten dhe fëmijët ka qene ne fshatin L. K- Deçan te miqtë, dhe se ne shtëpi është kthyer rreth orës 22:00/h, kur ka shkuar ne shtëpi nuk i ka takuar anëtarët e familjes babën dhe vëllezërit dhe nga nena është njoftuar se te njëjtit janë arrestuar për shkak te përklarjes qe ka ndodhur. Te nesërmen jam larguar nga shtëpia kam shkuar për ne Suedi për mes rrugëve ilegale dhe ne Suedi kam qëndruar deri ne muajin tetor te viti 2018, për arsye se nuk kam pasur dokumentacionin e rregulluar dhe te njëjtit me kane kthyer ne Kosovë dhe posa kam mbërri ne aeroportin e Prishtinës aty menjëherë jam arrestuar dhe me kane dërguar ne vuajtje te dënimit qe kam qene i gjykuar ne 3 ( tri ) vite e gjysme, për një grabitje me armë qe jam gjykuar nga Gjykata e Qarkut ne Prizren. E me vone kam kuptuar qe kam qene i dyshuar edhe për këtë rast i përklarjes. Ne pyetje te Prokurorit ne deklaratën e dhënë ne prokurori me dt. 01.11.2018, se i dëmtuari D.R. ka deklaruar se e ka vërejtur me ka ardhur ne drejtim te tyre E.3., E.2. dhe G., dhe kam vërejtur se këtu E.3. ka filluar me kallash qe te gjuaj përtpjetë dhe atë nga lartësia rreth 1m, prej tyre dhe se ju keni drejtuar tytën e kallashit ai ka ndërhyre dhe ju ka thënë qe te largoni tytën e me pas E.3. me ka thënë qe te ulen ne dy gjunjë mbështetur për tokë dhe ai nuk ka dashur te ulet dhe se ju pas kësaj keni filluar me gjuajtur afër këmbëve nga lartësia 1 m, dhe prej këtyre te shtënave e keni qëlluar ne zogun e këmbës, i njëjti i ka mohuar këto thëniet e tija. Por ka thënë ka kuptuar se këto te shtëna i ka bere vëllai i tij i vogël E.3. Ne pyetjen e Kryetarit te Trupit Gjykuese

se kur keni shkuar ne V. i njëjti ka deklaruar se ka shkuar pas rastit kritik disa dite dhe atë pas një jave. Dhe se këtë një jave ka ndenjur ne shtëpi te halla nga se e ka kërkuar policia. Dhe ne pyetje tjetër te Kryetarit te Trupit Gjykues se kur keni qene herën e fundit ne V. para ditës kritike i njëjti ka deklaruar se para 5 – 6 muajve para rastit. Ka mohuar se ka qene ne vendin e ngjarjes duke u mbrojtur se ka qene natën kritike te miqtë e vete, po ashtu ka mohuar se arma ka qene e tij, andaj ka propozuar Trupit Gjykuese qe te liroi nga akuza.

Mbrojtësi i të akuzuarit **G. R. av.A.R.** ne fjalën e tij përfundimtare ka deklaruar se aktakuza ndaj te mbrojturit te tij te hudhet poshtë si e pa bazuar dhe te bihet aktgjykim lirues nga se nga provat e administruara nga mbrojtja e te mbrojturit tim te dhënë ne të gjitha fazat e procedurës ne mënyrë te pa kontestuar është vërtetuar se i mbrojturi im nuk është kryes i kësaj vepre penale dhe se aktakuza bazohet vetëm ne supozime duke mos mbështetur asnjë provë materiale dhe e njëjta bazohet vetëm ne deklarata e te dëmtuarve. Dhe tani e mbështes Prokurorinë e çështjes pasi qe ndaj e mbrojturit tim ka hequr dore nga ndjekja penale për dispozitivin II te akuzës për lëndime te renda trupore ne bashke kryerje, ndërsa sa i përket veprës penale te lëndime te lehte trupore ne bashke kryerje kërkoi nga Trupi Gjykuese qe te lirohet nga akuza nga se i njëjti nuk ka ndërmarr asnjë veprim të kundër ligjshëm i njëjti ka qene ne vendin e ngjarjes me qellim te qetësimit dhe se i njëjti edhe pas ngjarjes ka ndikuar pozitivisht qe te arrihet pajtimi ne mes te palës së dëmtuar dhe familjes se tij.

Mbrojtësi i të akuzuarit **E.R.3., av.M.V.,** ne fjalën e tij përfundimtare ka deklaruar se : unë nga Prokurori i Çështjes kam pritur qe i njëjti te heke dore nga i akuzuarit E.R.3.ne mungesë te fakteve dhe provave ne te cilën është ngritur akuza ndaj tije. I njëjti ne mbrojtjen e vete te dhënë tek Prokurori i Çështjes me dt. 01.11.2018, ne prezencën time si mbrojtës i cili ka deklaruar se natën kritike me familjen e ngushte te tij ka qene ne vizitë te miqtë e tij ne fshatin L. K- Deçan dhe aty ka qëndruar deri ne ora 22:00 dhe kur është kthyer ne shtëpi ka parë që nuk janë ne shtëpi baba i tij dhe vëllezërit e tij, qe i ka marrë policia. Ne seancën e dt. 25.04.2019, ne mbrojtjen e vete i akuzuari E.R.2. ka deklaruar se natën kritike gjate kacafytjes me te dëmtuarit nuk ka qene prezent E.R.3, por aty ka qene vetëm baba i tij G. dhe vëllai E.1. Dhe se i njëjti ka deklaruar se armen automatike personalisht e ka blere vete nga një person nga R. e Shqipërisë, te cilën armë e ka fshehur ne shtëpi dhe natën kritike pas përlshjes i njëjti është kthyer ne shtëpi e ka marrë armën është kthyer ne vendin e ngjarjes dhe me këtë armë ka shtënë ne ajër dhe ne drejtim te dëmtuarit D.R., duke gjuajtur ne toke, me ç rast është plagosur nga gjuajtjet . Gjate bastisjes se shtëpisë dhe ne pyetje te zyrtareve policore a keni diçka te ndaluar te jashtë ligjshme dhe këtu i akuzuari E.1 e ka dorëzuar armën. Dhe këtu i akuzuari E.2. ka deklaruar se arma ka qene e tij personale dhe se natën kritike ai e ka plagosur D.R.. Aktakuza është ngritur vetëm me deklaratën e dhënë nga pala e dëmtuar andaj Gjykata nuk mund te bazoi Gjykimin vetëm me këtë deklaratë nga se këtu i mbrojturi im mohon kryerjen e kësaj vepre penale dhe i propozoi Trupit Gjykuese qe ndaj te mbrojturit tim te merret aktgjykim lirues.

Gjykata ka administruar provat e propozuar ne aktakuzë duke i marrë ne pyetje ne cilësinë e dëshmitareve këtu te dëmtuarit D.R., G. B. dhe N.Z..

Dëshmitari - i dëmtuari **D.R.**, ne deklaratën e dhënë ne polici, prokurori dhe ne seancën e shqyrtimit gjyqësore ka deklaruar se : me dt. 01.09.2013, ka qene ne punë ku ka punuar tek pronari N.Z., dhe se bashku me pronarin me kolegen e tij t e punës G.B.



me automjetin e N.it jemi nisur qe te shkojmë për ne shtëpie dhe kur kane ardhur ne rrugën e W. e cila rrugë është e ngushte ka qene i ulur ne ulësen e përparme t e automjetit e te cilën automjet e ka drejtuar N. dhe kur kane ardhur afër shtëpisë se tij kane dalur ne automjeti qe te përshëndeten ne ndërkohe kane ardhur këtu te pandehurit E.2. dhe E.R.1.dhe na janë drejtuar se pse na keni shajtë. Unë këta i kam njohur nga se i kam ne Lagje dhe i luta qe te ecin te mos bëjnë probleme dhe ne këtë moment E.1. i ka ra ne koke G. dhe aty ka filluar përleshja ne mes këtyre dyve, dhe N. dhe unë jemi mundur ti ndajmë dhe këta kane vazhduar për ne shtëpi, dhe skane kaluar 3 – 4 minuta te njëjtit janë kthyer se bashku me babën e tyre G. i cili ka pasur ne dorë një shkop bejzbollit ndërsa vëllai tjetër i tyre E.3. ka qene me pushke automatike, ndërsa E.2. ka qene me armë, ka pasur revole, dhe ne fillim më është drejtuar E.3. direkt me tyte te kallashit dhe nga unë kërkoj kë qe te ulem ne dy gjunjë dhe pastaj me ka ra ne koke ne ballë. Në atë moment G. me shkop bejzbollit pasi qe jam plagosur nga E.3. me ka ra dy here apo tri here, duke me shëmuar ne këmbë dhe ne këtë moment më është thyer këmba complete ka mbetur vetëm ne lëkurë, me q rast jam ra ne toke dhe tani me janë vërsulur me goditje E.3. dhe E.2.i duke mëshuar me boksa dhe shkelma, dhe pas kësaj janë larguar nga vendi i ngjarjes ndërsa N. me ka marrë dhe ma qar ne Emergjence ne Gjakovë. Unë në Spital jam nënshtruar operacionit nga se kam pasur plumbë ne këmbë dhe me operacion me është nxjerre plumbi. Dhe ne këmbë është vendosur pjesa e metalit shipk, dhe pas kësaj kam pasur edhe dy operacioni, me q rast 7 muaj nuk kam mundur te eci dhe tani kam dhimbje kohe pas kohe, kur ndryshon koha dhe nuk jam me për pune te renda nga se nuk mund te qëndroi gjate ne këmbë. Plagën e armës së zjarrit e kam marrë nga E.3. dhe se i njëjti ne fillim tytën e kallashit me ka drejtuar ne xhokës, duke kërkuar qe unë te ulen ne dy gjunjë te njëjtit ti përkulen, unë nuk kam dashur te beje këtë dhe i njëjti ka shtënë ne kallash rafal ne drejtim te këmbëve dhe njeri nga plumbat me ka kapur ne këmbë dhe q rast jam plagosur.

Të njëjti kane dërguar burra qe te pajtohem por unë nuk kam pranuar, dhe se para rastit kritike me këtu te pandehurit kurrë nuk kam pasur probleme, problemi është krijuar natën kritike, dhe se kur kemi kaluar me automjet rruga ka qene e ngushte pa ndriçime dhe këtu janë shajtur ne mes veti G. B. me E.3.

Dëshmitari - i dëmtuari **G.B.** ka deklaruar se : këtu te pandehurit G., E.1, E.2. dhe E.R.3.me herët nuk i ka njohur, ndërsa te dëmtuarit N. dhe D. i ka njohur nga se kane punuar ne lokal in e N., dhe se natën kritike me dt. 01.09.2013, diku rreth orës 22:00 pasi qe e kemi përgatitur lokal in për punë i cili lokal gjendet ne afërsi te shkollës se mesme, dhe me automjetin e pronarit N. “G.” jemi nisur qe te dërgojmë D. për ne shtëpi. Automjetin e ka drejtuar N. ne ulësen e përparme ka qene D. ndërsa ai ka qene ne ulësen e mbrapsmë, dhe kur kane ardhur ne lagjen “ Qe V“ ne rrugën “ E.gj. “ aty pari kane kaluar dy person duke ecur ne këmbë dhe njërin prej tyre e dëgjova kur na shajti me nënën duke na thënë “ se po shkoni ne p. te samës” dhe te dëgjuar unë i thash N. dhe D. se njeri prej atyre personave na shajten, mirëpo ne e vazhduam rrugën, dhe unë nuk dije arsyen pse na shajten, dhe se aty rruga është shumë e ngushtë mund te kaloi vetëm një automjete është një drejtimesh. Kur kemi ardhur afër dyerve te shtëpisë së D., N. e ka ndalur automjetin dhe kemi dalur qe te përshëndetemi me D. dhe D. ka hyre ne një dyqan ka blere dy birra ndërsa unë i kam thënë se nuk dua kurrgjë, derisa ishin duke qëndruar aty erdhën aty dy djemtë dhe u afruan aty. N. ju drejtua atyre dhe ju tha se çka ka te re, e ata u përgjigjen se ju na shajtet nënën, dhe lutem qe te vazhdojnë rrugën dhe njeri prej tyre dy djemve më është afruar dhe me ka goditur me kokën e tij ne kokën time. Unë fillova te largoi duke e shtyrë dhe ne këtë moment ka ndërhyre dhe personi tjetër vëllai i tij, dhe aty filloi një rrahje ne mes meje dhe atyre dyve, me ç rast është kyçur edhe N. me na nda

dhe pas kësaj jemi goditur edhe me grusht. Ne ndërkohe ka ndërhyre edhe D. dhe disa kalimtar te rastit dhe na kane nda. Ata dy vëllezër kane vazhduar rrugën për ne shtëpi dhe ne kemi qete aty ende dhe pas dy - tre minuta kane ardhur 3 persona, dhe ne mesin e tyre nuk ka qene ai person qe me herët është përlarë me neve. Njeri ka qene i moshuar dhe sa me duket ka qene baba i tyre, dhe i njëjti ka pasur ne dore një shkop bejsbolli, gjersa tjetri ka pasur një kallash ne dorë, dhe i cili ka qene me shtate me i rritur se te tjerët dhe nuk ka qene herën e pare ne vendin e ngjarjes i njëjti ka filluar me te shtëna me kallash duke gjuajtur ne ajër, dhe na është afruar dhe i ka bere dhe dy shtëna tjera ne drejtim te tokës asfaltit afër këmbeve tona. D. ka qene para nesh dhe te shtënat janë bere afër këmbeve te tija. D. i është drejtuar këtij personi se pse po shtynë me kallash e ky person i është drejtuar D. dhe i tha te ulet ne dy gjunjë për toke. D. nuk është ulur dhe pas kësaj ky ka shtëne prape me kallash ne drejtim te tokës afër këmbeve te D. dhe njëra prej te shtënave e ka rrokur ne këmbë, pas këtij momenti i njëjti ja ka drejtuar kallashin N. dhe N. i ka thënë gjuaj por ky i tha se po te fali. Ne atë moment N. i është goditur me shkop bejsbolli ne pjesën e prapme te kokës nga ky njeri i moshuar. Po ashtu edhe unë jam goditur nga ky i moshuar dhe atë një here ne dorën e majtë me q rast jam mbrojtur qe te mos me godas ne kokë. Ndërsa ky personi i riu me ka goditur ne shpindë. Dhe pas kësaj unë kam filluar te largohem prej aty kam shkuar teposhtë . Pastaj aty janë grumbulluar qytetar te kalimtar te rastit e kanë marrë D. e kemi vendosur ne automjetin e N. dhe e kemi dërguar ne spital, ndërsa unë me N. kemi dhënë deklaratë ne polici. Me vone kanë ndërhyre burrat dhe unë rastin jau kam falur.

Dëshmitari - i dëmtuari **N.Z.** ka deklaruar se :me dt.01.09.2013, ka pasur lokalin afër shkollës se mesme dhe i ka pasur te punësuar dy punëtor dhe a të G.B. dhe D.R.. Pasi qe me 1 shtator fillon mësimi unë me punëtorët e kam përgatitur lokalin për punë dhe pasi e kemi kryer punën unë me automjetin tim te markës "G." se bashku me G. dhe D. jemi nisur qe te qojmë D. për ne shtëpi. D. ka qene i ulur ne ulësen e përparme ndërsa G. i ka qene ne ulësen e pasme, dhe rrugës kur kemi kaluar ka qene rrugë e ngushtë i kam pare dy persona qe kane ecur, dhe G. me ka thënë se këta dy persona na shajten dhe na banën me dore. Unë nuk e ndala automjetin vazhdova dhe kur erdhëm te shtëpia e D. kemi dalur qe te tre nga automjeti dhe ne një shitore aty afër kemi marrë qe te tre nga një birre, dhe aty te hyrja e dyqanit filluam ti pimë ato birra dhe për pak qastesh ata dy djemtë qe kane qene rrugës e qe G. na tha qe na shajten dhe njeri prej tyre ju afruar G., dhe i tha se perse na shajte e ai u përgjigje se çka ka lidhje pse ju shajtëm. Unë ndërhyra dhe njëri prej tyre na tha se nuk kemi kurrëgjë me ty, dhe unë ju thashë se ata janë punëtorët e mije. Pas këtij momenti njeri prej tyre e sulmoi G. duke e goditur ne kokë me kokën e tij, dhe kane filluar te përлахen me grusht dhe shqelma dhe nga shitorja kane dalurë disa persona tjetër kane ndërhyre dhe na kane nda. Ne kemi vazhduar te qëndrojmë aty dhe unë e kam vetur D. se a i njuh këta persona, dhe me tregoi se janë te lagjes se tij dhe me ka treguar se me herët kurrë nuk ka pasur probleme. Nuk kane kaluar as 5 minuta, dhe tani kane ardhur 3 persona, njeri ka qene me kallash me dore i cili ka qene me shtate me te larte, i cili nuk ka qene ne rastin e parë te përlarjes, tjetri ka qene i moshuar e qe me vone kam kuptuar se ka qene baba i tyre dhe tjetri ka qene i riu i cili me herët kishte qene pjese marrë ne rrahje dhe ky ka pasur një revole ne dorë, ndërsa baba i tyre ka pasur një shkop bejsbollit. Ne momentin kur janë afruar këta persona, dhe ky djalë qe ishte me kallash ka filluar me të shtëna ne drejtim te këmbeve te mija dhe D. ndërsa G. ka qene me larg. Te shtënat i ka bere me ndërprerje njeri pas tjetrit, ashtu qe unë kam ndërhyre ja kam shtyrë me dore kallashin për te ja nderuar drejtimin, dhe ne këtë moment ky njeri i moshuar ka goditur prapa kokës me shkop, gjersa ky djali tjetër qe ishte me revole ka shtënë ne drejtim e këmbeve te mija, por nuk me ka qëlluar dhe i njëjti

ka shtëne vetëm një here. Ky i moshuar ka goditur ne pjesën e prapme te trupit ne shpinë ne anën e djathte ne q rast me ka shkaktuar lëndime ne shpinë, dhe unë tani kam filluar t e largohem nga vendi i ngjarjes dhe ne atë qastë kam dëgjuar disa te shtëna ne drejtim te D. Dhe kam kërkuar nga D. qe edhe ai te largohet. Ne ikje e sipër duke u larguar nga vendi i ngjarjes D. e ka lëshuar forca dhe është shtrire ne asfalt dhe tani kam vërejtur se ka pasur lëndime ne këmbën e djathte ne pjesën e nen gjurit, dhe këto lëndime i ka marrë nga te shtënat nga ky personi me kallash. Pas këtyre qasëtëve ata janë larguar nga vendi i ngjarjes dhe unë e kam marrë D. dhe me automjetin tim e kam dërguar ne Spital. Dhe se ne këtë rast kemi pasur lëndime unë dhe G. dhe D. ka qene me rende i lënduar. Ne spital personeli i spitalit ka lajmëruar policinë dhe unë pas kësaj kam dhënë deklaratë. Në ndërkohe kane ndërhyrë burrat dhe unë te njëjtëve rastin javë kam falur.

Gjykata ka lexuar prova materiale ka lexuar raportin e oficerit policor A.D. me numër 2013-OP-1192 dt. 02.09.2013, ka bere leximin e vërtetimit te armëve te konfiskuara me numër te njëjte dhe datë te njëjtë ka bërë leximin e raportit te shpejtë me numër te njëjtë te dt. 01.01.2013, ka bërë leximin e listës së dëshmive te përpiluara nga Njësiti i Forenzikës pranë Njesisë se Hetimeve ne Gjakovë, me numër te njëjtë te dt. 01.01.2013, ka bërë leximin e raportit te ekspertizës se ekspertit mjeko - ligjore për te dëmtuarit D.R., N.Z., dhe G.B., i përpiluar nga eksperti mjeko - ligjore dr. F.B., te dt. 07.07.2014, si dhe ekspertizën plotësuese po nga i njëjti ekspert mjeko - ligjore dt. 02.04.2019, si dhe ka bërë leximin e raporteve mjekësore t e përpiluar nga reparti i emergjencës i Spitalit Regjional “ Isa Grezda “ në Gjakovë, te dt. 01.09.2013, ka bere leximin e flete lëshimit me epi krizë për te dëmtuarin D., R., te lëshuar nga Spitali Regjional “ Isa Grezda “ ne Gjakove, reparti i ortopedisë, si dhe ka bere leximin e raportit te këqyrjes se vendit te ngjarjes i përpiluar nga i njëjti njësit me numër te njëjtë te dt. 01.09.2013, si dhe ka bere shikimin e ftove t e vendit te ngjarjes.

Gjykata pas administrimit te provave te propozuara ne aktakuze, mbrojtjes se t e akuzuarve te njëjtat i vlerësoi me vëmendje një nga një dhe në lidhshmëri me njëra tjetrën dhe si rezultat i besimeve te tyre vërtetoi këtë gjendje faktike:

Se t e akuzuarit G. R. , E.R.1.dhe E.R.2. natën kritike me 01.09.2013, pas një mosmarrëveshje me këtu te dëmtuarit e akuzuarit E.R.1. dhe E.R.2. natën kritike rreth orës 22:40 min, ne rrugën e “ W.“ tek vendi ku lidhet rruga “ E.Gj.“ pas një sharje ne momentin e të dëmtuarit ishin duke kaluar ne automjet dhe para shtëpisë së të dëmtuarit D.R. këtu te pandehurit E.1 dhe E.2. ne fillim janë fjalosur me te dëmtuarin G. kane filluar te përllahen me grushte ku i shkaktton lëndime te lehta trupore te dëmtuarve G. B. dhe D. R., ku lëndime pëson edhe i pandehuri E.R.1.te njëjtit kthehen ne shtëpi, dhe informojnë prindin G. R. për rrahje qe ka ndodhur ne mes tyre, dhe te dëmtuarve kështu qe i akuzuari G. merr ne dore një mjetë te përshtatshme për shkaktimin e lëndimeve leftë ndërsa i pandehuri E.R.3. merr automatikun kallashin dhe tani kthehen ne vendin e ngjarjes G.R., E.R.2. dhe E.R.3 dhe i gjejnë këtu te dëmtuarit D.R., G.B. dhe N.Z., dhe këtu i akuzuari E.R.3 ka filluar me te shtëna ne ajër me kallash dhe i është afruar këtu te dëmtuarve dhe nga i dëmtuari D. R. ka kërkuar qe te ulet ne dy gjunjë për toke, D. nuk ka pranuar dhe pastaj ka shtëne me kallash ne drejtim te tokës ne afërsi te këmbeve te D. dhe nga këto te shtëna njeri prej plumbave e ka rrokur ne këmbën me q rast të njëjtit i shkaktton lëndim te rëndë trupor. Po ashtu këtu të akuzuarit G.R. , E.R.2. i shkaktojnë lende te lehta trupore këtu te dëmtuarve D.R., G.B. dhe N.Z., lëndime këto te përshkruar me afër ne mëndin e ekspertit mjeko – ligjore dr. F.B..

Kjo gjendje faktike është vërtetuar nga dëshmitë e të dëmtuarve që janë marrë në pyetje në cilësinë e dëshmitareve e cilët në mënyrë bindëse kanë shpjeguar gjithë rrjedhën e ngjarjes që në fillim që përklarja ka ndodhur në mes vëllezërve E.1 dhe E.2. R. në njërin anë dhe të dëmtuarit G. B. ku të njëjtit janë rrahur me grushte dhe me shkelma dhe pas kësaj në vendin e ngjarjes janë kthyer mbas 5 minuta të pandehurit G., E.2. dhe E.R.3., ku E.3. është kthyer me kallash në fillim ka gjuajtur në ajër e pasi që i dëmtuari D. nuk i është bindur urdhrave të tija që të përkulet dhe të bien në të dy gjunjët në tokë, ndaj e njëjtit ka shkrepur me pushkë në tokë afër këmbëve të tija, ku njeri prej plumbave i ka shkaktuar lëndime me armë zjarri e kjo është vërtetuar edhe nga ekspertiza e ekspertit mjeko - ligjorë ku në këtë ekspertizë ka cekur se plagët e shkaktuar D.R., janë shkaktuar nga arma e zjarrit në regjionin e kërcellit të djathtë, thyerje e kërcellit të djathtë, trupi i huaj metalik dhe nxjerrja e tij kirurgji kishte. Po ashtu eksperti mjeko – ligjor në mendimin plotësues të dhënë në seancën e shqyrtimit në formë të shkruar me dt. 02.04.2019, në mendimin përfundimtar ka cekur se lëndimet e sipër përmendura bëjnë pjesë në dëmtime të rënda trupore dhe kjo plagë është shkaktuar nga predha e hedhur nga arma e zjarrit. Ndërsa të dëmtuarit N.Z. ka pasur lëndime ndrydhja e indeve të buta në regjionin e qafës dhe regjionit të shpatullës së djathtë të shoqëruara me gërvishtje të shkaktuar me mjete të forta mbrehte e që të tilla bëjnë pjesë në dëmtime të lehta trupore, ndërsa i dëmtuari G.B. ka pasur dëmtime ndrydhje e indeve të buta të regjionit i dorë dhe gërvishtje mbi vetullën e majte dhe në parakrahun e majtë të shkaktuar me veprim mekanik të mjetit të forta mbrehte e që janë dëmtime të lehta trupore.

Gjykata ka hedhur poshtë mbrojtjen e të akuzuarit E.R.2. i cili në seancën e shqyrtimit kryesore ka deklaruar se ai pas konfliktit të parë mosmarrëveshjen që ka pasur me G.B., dhe rrahjes me të, ka shkuar në shtëpi ka marrë kallashin ai i ka shkaktuar lëndime të rënda trupore këtu të dëmtuarit D.R., duke e marrë përgjegjësinë mbi veti, nga se mbrojtja e tij është në kundërshtim edhe në mbrojtjen e të akuzuarit E.R.1. i cili të Prokurori i Çështjes ka deklaruar se kallashi ka qene i tij, dhe ai të njëjtën e ka përdor natën kritike, andaj Gjykata këtë mbrojtje të akuzuarit E.2. R. e ka hedhur poshtë si të pa bazuar nga se është në kundërshtim me deklarinimin e të dëmtuarve - dëshmitareve të cilët në mënyrë të kuart që të tret kanë deklaruar se pas mos marrëveshjes përklarjes se të akuzuarve E.1 dhe E.2. dhe të dëmtuarit G.B., pas 5 minuta në vendin e ngjarjes janë kthyer i akuzuari G.R. me një leftë në dorë ndërsa i akuzuari E.R.3. me kallash në dorë dhe të njëjtin kallash e ka përdorë ka shkrepur në ajër si dhe afër këmbëve të të dëmtuarit D.R., me ç rast i ka shkaktuar lëndime trupore me afër të përshkruara në mendimin e ekspertit mjeko-ligjorë dr. F.B..

Po ashtu Gjykata ka hedhur poshtë mbrojtjen e të akuzuarit E.R.3. i cili ka mohuar se ka qene në vendin e ngjarjes duke u thirrur në alibi se i njëjti natën kritike ka qene të miqtë e vete në fshatin L.K- Deçan se bashku me bashkëshorten dhe fëmijët, nga se mbrojtjen e tij është në kundërshtim me deklarinimin e të dëmtuarve veçanërisht deklaratën e dëshmitarit D.R., i cili këtu të akuzuarin E.R.3. e ka njohur edhe para rastit kritik nga se shtëpitë i kanë shume afër njeri tjetrit dhe deklarimi i tij ka qene bindes për trupin Gjykuese pasi që i njëjti në mënyrë të kuart e ka shpjeguar rrjedhën se si është zhvilluar ngjarja kritike kush çka ka ndërmarrë dhe në mënyrë detale ka përshkruar veprimet e këtu të akuzuarit E.3. kur i dëmtuari D. nuk ka pranuar urdhrin e tij që të gjunjëzohet të bijën në gjunjë në të dy gjunjët në atë momenti i njëjti ka gjuajtur në drejtim të këmbëve të tija. Po ashtu këto thëniet janë vërtetuar edhe nga deklarata e dëshmitareve G.B. dhe N.Z..

Po ashtu Gjykata ka hedhur poshtë tezet e te akuzuarit E.R.3. i cili ka deklaruar se nuk ka qene ne vendin e ngjarjes dhe se pas natës kritike një javë ka ndjetur te halla dhe pas kësaj ne mënyrë ilegale është larguar nga Kosova. Dhe i njëjti është arrestuar pasi qe është dëbuar nga Suedia është arrestuar ne aeroportin e Prishtinës dhe menjëherë është dërguar ne vuajtje te dënimit sipas aktgjykimit ish Gjykatës së Qarkut ne Prizren.

Ne pyetje te parashtruar nga Trupi Gjykuese se kur ka qene herën e fundit ne pune te përkohshme ne V.–S. i njëjti ka deklaruar se ka qene për afërsisht 5 – 6 muaj para rastit. Dhe arsyeja e ikjes ka qene kur ka kuptuar se është duke u kërkuar nga policia andaj ka ikur.

Vërtetimi i kësaj gjendje faktike Gjykata e ka mbështetur edhe ne ekspertizën e ekspertit mjeko - ligjore si dhe dëshmitë e gjetur ne vendin e ngjarjes raporti i shikimit te vendit te ngjarjes foto te vendit te ngjarjes, dhe te gjitha materialet tjera provuese te cilat janë administruar si prova gjate shqyrtimit gjyqësor.

Andaj Gjykata plotësisht dhe përtej dyshimit te bazuar ka vërtetuar gjendjen faktike se ne dispozitivat e këtij aktgjykimi te dhëne ne veprimet e të akuzuarve G.R., E.1.R. dhe E.R.2. formohen te gjitha elementet qenësore te veprës penale nga neni 188 prg 2 lidhur me prg 1 nen prg 1.4 si bashke kryes lidhur me nenin 31 te KPRK-se, andaj te njëjtit Gjykata i ka shpallur fajtor dhe i ka shqiptuar dënimet si ne dispozitiv te këtij aktgjykimi.

Ndërsa ndaj te akuzuarit E.R.3. Gjykata ne mbështetje te nënti 3, te Kodit Penale te R. Kosovës 06/L-074 i cili ka hyre ne fuqi ne muajin Prill 2019, ndaj kryesit ka zbatuar Ligjin me te favorshëm andaj i njëjti është shpallur fajtor për vepër penale lëndimi i rëndë trupore nga neni 186 prg 3 lidhur me prg 1 te KPRK-se, nga se tani me Kodin e Ri për ketë vepër penale është parapare dënimi me burgim prej 1 deri 8 vite, e jo siç ka qene ne dispozitiv te akuzës lëndimi i rëndë trupore nga neni 189 prg 5 lidhur me prg 1 te KPRK-se, ku është parapare dënimi jo me pak se 3 vite burgim, andaj Gjykata ka zbatuar ligjin me te favorshëm për te akuzuarin.

Po ashtu Gjykata te akuzuarin E.R.3.e ka shpallur fajtor edhe për vepër penale mbajtje ne pronësi, kontroll ose posedim te pa autorizuar te armeve nga neni 374 prg 1 te KPRK-se, nga se gjate shqyrtimit gjyqësor ne mënyrë bindëse është vërtetuar se këtu i akuzuari E.R.3. natën kritike me dt. 01.09.2013, pa autorizim ka mbajtur armë dhe municion dhe atë pushke automatike AK-47 dhe i njëjti armën e ka përdorur duke gjuajtur ne ajër dhe afër këmbëve te dëmtuarve e kjo është vërtetuar nga dëshmia e dëshmitareve - t e dëmtuarve D.R., G.B. dhe N.Z., q e te trette kane deklaruar se arma e ka përdore këtu i akuzuari E.R.3. natën kritike. Andaj Gjykata këtyre dëshmitareve jua ka falur besimin e plote e këtyre dëshmive.

Po ashtu Gjykata ka hedhur poshtë tezen e mbrojtës se të akuzuarit E.R.3., av.M.V., i cili ka deklaruar se i mbrojturi i tij natën kritike ne familjen e tij te ngushtë ka qene te miqtë ne fshatin L. K- Deçan, dhe është kthyer rreth orës 22:00/h, mirëpo ne këtë çështje konkrete ngjarja është zhvilluar rreth orës 22:40 min, Po ashtu edhe nga mbrojtja e te akuzuarit G.R. i cili ka deklaruar se djali i tij ka qene ne punë - V. në furrë, dhe se i njëjti është kthyer atë dite ne mëngjes është e pa themelte nga se i akuzuari E.3. ne mbrojtje te vete ne pyetje te parashtruar nga Trupi Gjykuese se kur ka qene herën e fundit ne V. i njëjti ka deklaruar se ka qene 5 – 6 muaj para rastit kritike.

Gjykata duke i marrë parasysh te gjitha këto faktet te vërtetuara ka ardhur ne përfundim se ne veprimet e te akuzuarit E.R.3. formohen te gjitha elementet qenësore te veprës penale lëndimi i rende trupore nga neni 186 prg 3 lidhur me prg 1 te KPRK-se, si dhe te gjitha elementet qenësore te veprës penale mbajtje ne pronësi kontroll ose ne posedim te pa autorizuar te armëve nga neni 374 prg 1 te KPRK-se, dhe këtu te akuzuarit i ka shpallur fajtores dhe i ka gjykuar si ne dispozitiv te këtij aktgjykimi.

Me rastin e matjes se dënimit Gjykata i ka pasur parasysh te gjitha rrethanat nga nenet 73, dhe 74 par 1 KPPK-se, te cilat ndikojnë ne zbutjen apo ashpërsimin e dënimit si rrethane lehtësuese Gjykata ka marre për bazë për te akuzuarin G.R. është njeri ne moshë ndërsa te akuzuarit E.1 dhe E.R.2. janë te moshës se re, te njëjtit nuk janë gjykuar me herët rrethanat familjare te dëmtuarit G.B. N.Z. nuk i janë bashkangjitur ndjekjes penale, ndërsa për te akuzuarin E.R.3. si rrethanë lehtësuese ka marrë parasysh sjelljen korrekte te akuzuarit ne Gjykim është mbajtës i familjes i ati i dy fëmijëve, ndërsa si rrethane renduese ka marrë parasysh se i njëjti ka qene i gjykuar me aktgjykim te plotfuqishëm Gjykatës se Qarkut ne Prizren me dënim burgimi ne kohëzgjatje prej 3 vite e gjysme, e te cilin dënim është duke e vuajtur dhe duke marrë parasysh rrethanat e përmendura me lartë dënimet e shqiptuar ndaj te akuzuarve janë ne harmoni ne peshën e veprës penale dhe shkallen e përgjegjësisë penale te pandehurve andaj me dënimet e shqiptuara do te arrihet qëllimi i dënimit nga neni 41 te KPRK-se, i cili konsiston ne parandalimin e të pandehurve nga kryerja e veprave penale ne te ardhmen dhe te beje rehabilitimin e tyre, te parandaloi personat tjerë, nga kryerja e vepra penale, dhe te shpreh gjykimin shoqërore për vepër penale ngritjen e moralit dhe forcimit te detyrimit për respektim te ligjit.

Duke u bazuar ne nenin 83 par 1 te KPRK-se, Trupi Gjykues ka vendosur se dënimet e shqiptuara me burgim e pandehurve ti llogaritet koha e kaluar ne paraburgim.

Vendimi mbi konfiskimin e pushkës automatike AK- 47 , një karikator dhe një fishekë, është ne pajtim me neni 62 par. 1 pika 2,7 lidhur me nenin 374 par 3 te KPRK-se.

Vendimi mbi shpenzimet e procedurës penale dhe atë ne emër te tre ekspertizave te ekspertit mjeko- ligjore shumen prej 150 (një qind e pesëdhjete) € ne mënyrë solidare, ne emër te paushallit gjyqësore shumen me nga 100 (një qind)€, bazohet ne dispozitat e nenit 450 prg 3 të KPPK-se, ndërsa vendimi mbi pagimin e shumës me nga 50 (pesëdhjete) €, ne fondin e viktimave bazohet ne dispozitat e nenit 39 prg 3 nen prg 1.1 te Ligjit 05-L-036 për kompensimin e viktimave te krimit.

Vendimi mbi udhëzimin e të dëmtuarve qe kërkesën pasurore -juridike te realizoi ne kontest te rregullt civil bazohet ne dispozitat e nenit 463 prg 1 pika 1 te KPPK-se.

Nga aresyrat e cekura me larte dhe me zbatimin e neni 365 par. 1 te KPPK-se është vendosur ne dispozitave te këtij aktgjykimi

**GJYKATA THEMELORE NE GJAKOVË , - Departamenti për Krime të Rënda  
PKR.nr. 60/18, me dt. 24.05.2019 .**

**Procesmbajtësja  
Bute Ramosaj**

**Kryetari i trupit gjykues  
Shaqir Zika**

**KËSHILLA JURIDIKE:** Kundër këtij aktgjykimi mund të ushtrohet ankese ne afate prej 15 dite, nëpërmjet kësaj Gjykate për Gjykatën e Apelit në Prishtinë.

Numri i lëndës: 2018:066487  
Datë: 28.05.2019  
Numri i dokumentit: 00333686